



^ 16
2676
5



門 16
號 2676
卷 5

梨雲館類定袁中郎先生全集卷之六

公安袁宏道中郎著

孫憲健菘圃重鐫

五言律 下

苦雨

且莫問提壺春風一半孤暮雲啼滑滑曉樹語
呱呱夢繞飛花社思牽線柳湖無方可醉得濁

袁中郎先生全集

卷六

五言律下

一

新念閣
故
甲申五堂
朝書閣

酒坐灰爐

會退如太史返棹江干雨甚宿楊上舍家
令門僧持卷來觀夜坐有懷敬題其末

蘭蓋坐銷紅長吟短噫中潑天車軸雨撼地石
郵風夢去雲連峽詩來翠掃空習家池上酒何
事外山公

其二

山鬼莫吹燈羈心感少陵話中江渺渺卷裏咄

層層嵐重千畦衲雲開九節藤聯牀今夜雨空
對嶺南僧

泛舟便河

一棹碧蒼茫蕉衫碎影涼風音和鳥語水色與
天光岸老蒲根出沙平荻筍香蹄輪何滾滾對
面卽滄浪

其二

禪板佐尊罍青溪曲曲迴魚閒知浪靜鳥喜覺

風來漠漠新雲樹
荒荒舊沼臺
一番見高塚
一度使眉開

送蘇潛夫北上

去去日華東
晴霞似火紅
好辭杯底月
莫畏馬頭風
謝客休耽屐
張融且豎銅
緋袍白手板
勉效偶場中

遊章臺寺和小修韻

飛塵冷冷消人語
隔烟遙雨洗青畦
道風薰白

芷苗竹深存廢碣
僧老話前朝
霸業荒殘盡
虛名只細腰

其二

碧水瀾忙去
紅葩引笑開
兔葵傷故國
狐粉嘯空臺
古屋晴生菌
深房晝鎖苔
松音與梵響
一洗大夫哀

其三

雲捲三分地
塵飛六國王
自然歸滅劫
不必問

巫陽古壘荒遺構澄波照冷篁廿年雙屈指頭
白話兒郎

其四

碧渚新琅玕入門碎影寒么絃將水聽青黛作
烟看且樂時花豔休悲故壠殘南威他自美興
廢豈相干

夏日同龍君超傅中執蕭季星龔散木彭
長卿崔晦之小修王小白泛舟便河得橋

字

好作烟林譜微霞帶水條平平鋪碎浪遠遠出
紅橋天圻雲鱗見江澄暑路消山光與粉黛一
種是逍遙

又和龍君超韻

白板赤欄橋石根繫小舸風傳初稻信雨應熟
梅潮柳密兼烟重槎枯帶蘚漂洄沿無定止只
似野雲邀

劉元質宅宴得金字

遠水輕雲意孤桐野鶴心消磨歸酒政遊戲入
花林趙姊雙名燕盧郎一字琛龐公見亦悔湘
水錯沉金

龍君超徼集章臺以看花臺爲韻

碧篠當烟出朱華帶渚看佳人吳笑語公子晉
衣冠始覺歡場盛爭言雅道難經時覓快友纔
得許如蘭

其二

一笑爛雲霞青娥驅法華章臺新馬足洞口舊
魚槎秋水人人月春風面面花不同愁宋玉蕭
瑟對東家

其三

天際颯輕雷濃陰潑地來叢中避粉黛樹底臥
罇罍數點將穿屋移時忽泛臺只疑舊歌舞化
作雨雲回

病起新霽見月

病起初逢月雲開笑亦開雲隨殘悶去月逐好
懷來墜葉凝清露新香瀉綠醅治心雖校淺仍
是欲然灰

林蘭閣同王以明先生及尙父謝道人小

集偶成

涼月下空疏蕭蕭靜者居休心花事斷忌藥酒
船虛竹外披烟鶴尊前帶子魚盤殮聊復爾商

畧古人書

醉歸示凡公響泉道人

不寐卽狂歌蓮花漏水多醉來尋白足定起喚
青娥梵唱嗔吳肉荷衣剪越羅亦知風景煞爭
奈老顛何

當陽僧來邀遊青溪紫蓋諸勝

十載青山約今番始赴期如雲投舊嶺似鳥念
高枝藍壓仙翁井苔深鬼谷祠卓將一喝去秤

取布視師

其二

一澗珠翻處千山玉照時東衝西邏酒橫版側
厓時僧老扶雛至鶴驕帶子隨掌茶與谷水宿
世也相知

登遨遊塚有感示凡公響泉道人

古塚新新道荒原漠漠楓荷衣蕙帶鬼燕麥兔
葵風頽疊高陵變分趨逝水東莫言空不得何

事不成空

將入青溪值雨雪凡公有詩見促用韻答
之

童子語誦誦雪花打息衫雲低天慘淡霜老石
巉巖怪鳥鳴枯葉空江立瘦杉青溪騎鶴叟聊
且附書緘

送雪照還吳

洗鉢焚鈔去瞻雲倚棹歌離鄉吳語變入咏楚

騷多五老峯頭瀑三江雪後波
懸衣樓笠子袖手看嗟峩

又代作

四載椒林社精研只有君高談
排嘿照獨往賤多聞江面瓶
心月山南嶺北雲逆風香自遠
無路襲芳芬

暮鳥投林和張明教

霧卷復烟披嘈嘈話許時
大都尋故侶莫是揀

高枝半嶺雲千態疎林月一規
夜寒風裊裊歸夢在天池

其二

霞碧與山紅烟林繪譜中
乍啼綠見月半妥爲梢風
萬點鋪沙異千畦帶犢同
莫愁三匝苦猶勝在金籠

其三

渺渺辭沙嶼嘹嘹帶遠空
分行來樹裏送影入

袁日昌先生集 卷之六
池中小艇烟江月高樓晚箔風佳人天未許同
此駒歸鴻

乙巳除夕

十畝負江田歸耕已七年稚松雲偃地雛女髮
垂肩貝葉翻將綻荷衣着屢穿貧鄉何可戀大
抵爲林泉

春日同謝于楚周觀國小修李澄之王尙
夫崔晦之劉繩之過智者堂訪度門法師

數里碧陰森高禪靜亦吟趨花來遠澗聽鳥入
平林厯盡摧車坂稍存繞指金浮塵都歇盡未
歇唾壺心

諸衲見過

閒卽過東臯衲衣對酒槽袖中懷米帖花底讀
離騷箔卷鱸烟細窗寒石疊高貧家無可供泚
水與谿毛

哭江進之

乙巳秋聞進之兄卒于蜀余時伏枕慟幾絕嗟乎余與進之之交豈復在口舌間哉進之死世誰復有定中郎文者已矣猶記令吳之日與兄商證此道初猶不甚信第謂兄曰果若今人所著萬口一聲兄何以區別其高下也且古人之詩歷千百年讀之如初出口而今人一詩甫就已若紅朽之粟何也進之躍然起曰是已後爲余敘

敝篋遂述此意蓋實語也進之才俊逸爽朗務爲新切嘉隆以來所稱大家者未見其比但其中尙有矯枉之過爲薄俗所檢點者往時曾欲與進之言而竟未及是余之不忠也然余所病正與進之同證亦不意進之之去若是速也慟哉郎君幸盡以諸藁屬我我當爲進之刪定藏諸名山以俟後世子雲也往弟有錦帆解脫諸集皆

屬進之爲序甚獲我心然彼時詩不遵而
文亦散緩今第刻瓶花瀟碧二集安能使
兄快讀一過爲第敘而傳也慟哉弟交遊
徧海內而性命文章十居其九至如寒潭
皎月透徹底裏如吾進之者指不一二屈
也進之有佳兒能讀父書可以自慰知進
之所未了者高堂白髮然曾孫滿前老伯
無大苦也中懷作惡苦不得佳語欲躬致

束芻值有邑乘之役素車白馬未卜何日
挽章十篇即君爲我朗吟進之靈前或墓
前亦可鬼未必即通爲讀數十回可也

石火乍飄紅匆匆四閨中才名巴子國吏蹟館
娃宮洗海澄天月催芳爛葢風不留長把玩收
拾與虛空

其二

案有君遺蹟時時動我悲夢中呼白也卷裏哭

長中詩集卷之六
微之骨似凝冰石心如靜水池太玄那得比囑
累有佳兒

其三

一笑凌雲去高寒自少塵騷魂皆楚鬼弔客盡
秦人作誅傾南國移書詛北辰斯文凋喪盡何
用死麒麟

其四

偏是佳人少鶴鶴日日鳴應劉皆早世晁賈竟

虛生雪澗寒當戶漁梁怒滿城憐才與惜寶天
似未分明

其五

蜀魄悲鳴後巫猿叫嘯初峩喟徒有黛巴水不
成書女鬼行雲侍仙鄰賣卜居浣花溪上叟情
切舊鄉廬

其六

好手經爐冶匡時正老成文通才未盡元靜職

猶輕妖作長沙鵬帳空澧水螢花源留蹟處莎
草背堦生

其七

節節來余夢溪雲湖柳邊浪仙神尙瘦米芾鬼
猶顛花國恣題品珠宮任纂編閒時出諧史一
笑謔諸天

其八

湘水濯魂清紛紛蘭芷生桃花仙路豔薜荔鬼

衣輕喜去朝虞帝悲來過屈平沙蘿村口上夜
引瞿童行

其九

作者心良苦悠悠世豈知近俳綠矯激取態任
斜欹江濶無澄浪林深有贅枝向人言似夢無
計辭愚癡

其十

薄俗好檢點因循媿少箴只疑如豆目未達似

蘇詩集卷六
三
空心琴敗孤音絕林荒破宅深期君一百載隻
字雙南金

送周觀國還會稽兼寄陶周望兄弟

江流澎湃處一曲是官衙小邑城三里荒垣市
幾家斗湖曾載月浪柳也吹花踟躕真如繭能
禁念若耶

其二

且莫聽啼魂烟嵐路亦昏山連內史宅水到賀

公門曉月蘭橈市春風黛綠村箇年題壁處霜
洗舊苔痕

曾雷二太史過柳浪用杜韻

雲嵐深幾曲五月氣猶寒月下兼花下林端更
水端愁來詩監押老至道遮闌識得藏身計塵
勞也自安

其二

勸我早經營三山海上城亦如憐素女其那忤

方平青鳥曾經約丹臺也注名竹枝江上雨難道是無情

黃平倩久無書有僧自蜀來傳其厭世余不信數日後陶周望書來云聞平倩有疾且求消息于余余謂小修曰必無他詩以志之

積雪峨眉路三年渺去鴻岷江惟有浪巫峽祇聞風驚絕西僧語愁深太史筒子瞻定不死吾

已料天公

西來僧云平倩初病痺今已痊復志喜

西望嘉陵信迢迢半影鴻黃州元不死白傅已無風小近臨邛黛新開郾酒筒僧言真實否吾欲讓龐公後二事皆來僧語

夏日同龔散木能者崔晦之鄒伯學李子鬣攜妓泛舟和尚橋

白舫形如鵲青娥姓是盧衣香泥翡翠扇影怯

鶴鷓石竹和人籟山花蕪野爐遙看十里水一
片芙蓉湖

其二

試說鴛鴦侶何如鷗鷺羣溪光描翠黛竹影寫
羅裙雲日魚鱗氣霞波雉尾文鶴飛衝樹起天
半一聲聞

病起獨坐

荒草綠如烟何秋不可憐病家無客至小犬亦

高眠開帙尋詩料添衣缺酒錢閉門讀莊子秋
水馬蹄篇

病起偶題

對客心如怯窺銅只自憐負暄梳敗髮發篋理
殘篇名豈儒冠悞病因濁酒痊浮生喻泡影何
以樂青年

其二

獨坐真成悶孤砧急暮聲乾坤偏惡道世路幾

狂生騷雅原無命湖山賸有情一坵何不可身
外卽浮萍

其三

強欲親暎日無那怯曉風纏綿悲二豎坐起仗
雙童世路他如夢浮名我失弓一番三徑裏秋
菊又成空

其四

不斷青雲夢難堪白髮情跳梁山鬼妬落莫酒

人輕色界身終苦無生學未成浮漚能幾許枉
自覓枯榮

花朝卽事

雨過庭花好開尊亦自幽不知今夕醉消得幾
年愁一朶新紅甲四筵半白頭久知行樂是老
矣復何求

江漲

灑灑三冬雪瀟湘五月波疾流翻地轉遠勢觸

雲過縣尉臨江祭巴人下水歌世平無孟琪父
老恨如何

卽事

俗態有如此誰云道不貧黃金貴賤士烏帽是
非人公叔絕交甚東方漫世真浮雲看物理浪
跡混風塵

秋扇

濯濯齊紈素團團明月輝含羞王氏女失寵漢

宮如出人心猶在炎涼態已非自甘藏篋笥不
敢觸寒威

夏日泛舟

泛泛鷓鴣近深深雀鶴聞空潭不受暑野竹半
捎雲公子收行蓋佳人晒舞裙垂楊亂荇藻日
色冷紛紛

得李宏甫先生書

似此瑤華色何殊空谷音悲哉擊筑淚已矣唾

壺心跡豈焚書白病因老苦侵有文焉用隱無
水若爲沉

冬菊

衆芳無不改籬菊晚猶開護葉多編竹憐香自
剪萊驚心寒節破載酒故人來忽憶東籬叟狂
歌試舉杯

江行

霞彩收晴色澄波媚夕暉飢鷹奔樹冷沙鵝觸

人飛整叟迎兒出鄉童負犬歸少年饒酒力何
事怯寒威

登臺

登臺當此日潦倒盡餘驩古木何年有林花盡
日寒霞來鱗作市山晚氣成瀾去去滄江暝狂
歌興未闌

除夕前八日

每恨年光駛東風又一時入門花自媚出谷鳥

先知宦去嵇康懶情來育長癡無爲愁暮景幽
意在南枝

夜坐別彭子

寂歷嚴更漏淒其旅客情傾腸談近事屈指數
遊程寒氣衝筵入鄉心旨酒生經年事奔走名
利一無成

社中

宿昔城南約蒼茫十載情交遊悲喜盡文字揣

摩成古屋繁陰入空塔凍鳥行終年惟搦管辛
苦是書生

小齋

情至觀無始愁來寶奈何蠹行粘敗粉燕起觸
簷羅往事惟長嘯新知一放歌鷄雛雖餓死不
與雀爭多

迎九

節物何堪問流光轉自哀世情搔首過秋色閉

門來才子新開社叅軍舊有臺菊花才作蘂遲
爾共啣杯

憶蟹

鄂州爲客處紫蟹最堪憐朱邸爭先買青樓不
計錢昔年桐乳下今日菊花前咫尺晴川水無
由見爾鮮

夏日同龍君超君善家伯修郊外小集

避却紅塵子晴郊共舉杯踏雲穿寶閣立馬問

金臺古木無心長襍花不定開東南饒勝友喜
與二郎來

岩村中

古木攢幽壑叢篁蔽小祠籃輿村犬吠羅服野
人疑稻熟家家釀山香處處詩田翁強解事欸
欸具威儀

示社友

所至成三笑居然似七賢社開正始後詩數中

興年一代稱同軌千秋欣執鞭古來藏二酉不
必大都傳

秋日同鄒伯學過崔晦之村莊

攜得城中友聯鑣把臂來探闔人踴躍問姓俗
疑猜鄰酒無因至霜花有限開一坵荒楚裏門
戶蔽蒿萊

送周尚寶左遷海澄典史

代作

羯虜終無賴餘波橫及人清時驕魍魎平地蹶

麒麟去國寧辭謗投荒幸有身邊籌終及爾勿
復嘆沉淪

其二

幾度青門柳榮枯送爾行廟謀何日定邊事仗
誰成名以批鱗重恩因市虎輕知君心獨苦萬
死亦闕情

其三

十年聲籍甚一日去長安作賦元投楚爲文欲

弔韓雲開龍首出雨過鱷溪寒到處青山好何
憂行路難

九日江上小集

物色千林換江聲四面瀾脫冠酬勝節呼酒賀
新寒童子攜方罍庖人進鱸盤秋郊如醉裏瀟
灑一憑欄

偶成

塵世無暇日孤館有餘情黃金鑄知己青編列

友生事佛心難定學仙道不成去去雙田下兄
弟事偶耕

郊行同龔散木能者鄒伯學

高柳藏山寺襍花綴水濱青溪六七里白恰兩
三人鍾釜蚊蚋過烟霞鹿豕鄰箕倨亦是禮何
必取冠巾

嘉魚李太清書齋

尚有青雲舊誰云白首新孤尊相對日萬死可

憐身曝衲驚黃鳥開軒跳紫鱗名臣何必貴衰
腐據要津

夏日鄒伯學園亭

兀坐無儔侶觀空絕想塵牀頭高士傳花下上
皇人養鶴移茶竈憐魚輟釣綸蒙莊去已久斯
意竟誰陳

夏日卽事

一官因懶廢萬事得禪逃歲月談空老風塵拂

袖高貧交殊面背薄俗厚皮毛不解和光指空
齋坐鬱陶

其二

悶卽攤書讀長年一腐儒開門殘雨過欹枕片
雲孤世事輸碁局人情轉轆轤浮生寧曳尾斷
不悔江湖

夏日同龔能者崔晦之鄒伯學納涼李子
髯齋中高柳下

袁中書先生全集 卷六
高柳着溪烟團團翠可憐空街搖白水疎日冷
青錢原憲貧非病維摩疾是禪居然城郭裏一
種小林泉

偶題

得句題蕉葉裁冠費笋皮宦情三不可禪理百
無知野館繁梔子晴窗語燕兒謝安何小草相
業僅能基

寄沈介庵

不謂晴川閣同時失此人龍門吾有意魚服爾
何神封事驚來草除書怪積薪和光古有語好
得耐風塵

初秋

負俗將無傲閒居合有秋驕陽猶避鵲小雨亦
呼鳩中散交多絕司空宦總休明知悲冉冉何
苦不滄洲

秋閨

袁中書先生全集 卷六
秋色透羅幃寒芳片片飛蛩吟生暗壁螢火度
空機闈月新流照簾霜換故衣征鴻與蕩子同
去不同歸

漫興

少年多浪跡老大合幽棲事業卑牛口生涯尙
馬蹄遊人嘲自解隱几物難齊每憶山中友秋
來好杖藜

其二

獨往吾何有狂癡世所憐一身書蠹後萬事酒
杯前禮樂從先進交游附少年昨來益自喜信
口野狐禪

江崩及城

城郭荒如許遷來得幾時江通夔子國潮打武
侯祠六代餘封在三分故里疑焉知深谷底不
有萬山碑

寄散木

只覺秋悲苦那堪別賦工予瞻南去雁爾望北
來風寒日疎籬菊清霜落井桐江湖夕照裏登
眺許誰同

寄楊敦初

野樹吟秋日江雲送目初百年誰命駕兩地且
傳書潘岳功名薄莊生吏體疎禪心知不減揮
塵近何如

其二

萬事傳經嬾官閒且自由閉門無不可得秬更
何求玄草楊雲宅清吟王粲樓莫言工作賦此
地易悲秋

憶弟

萬里南征路扁舟去不來賦投鸚鵡水詩上鳳
凰臺天地窮相傍雲霄蹇自哀千秋無漢武司
馬一庸才

其二

驟傳伏枕去轉覺淚沾巾短髮三江棹孤篷四海人文章妻子怪姓字友朋嗔兄弟皆衣紫君胡命苦辛

其三

去住非無謂蹉跎似不羈親朋盡欲殺知己半相疑獨我能青眼因君是白眉東來書一紙讀罷淚如絲

登高有懷

秋菊開誰對寒郊望更新乾坤東逝水車馬北來塵屈指悲時事停杯憶遠人汀花與岸草何處不傷神

過古寺

紅橋過雨潤黃葉會霜稀古殿摧金榜空塘落水衣畏人寒鳥竄護法老龍飢醉語兼禪語都非第二機

宿僧房

夏中自先生命集 卷六
夜雨沉清磬霜林起暮鴉蓮臺三品葉佛果一
時花覺路昏羅縠禪燈黑絳紗早知嬰世網悔
不事袈裟

憶弟

尚有他鄉客那堪兩地春文章聊玩世儒墨竟
疑人別後山川換愁來歲月新滄江一萬里濁
酒向誰陳

其二

東去交多少南詢興有無高天鴻鵠舉世路馬
牛呼騷雅命難達江湖迹易孤步兵雖嗜酒倘
亦恨窮途

異僧

買印支公僻輪瓶座首能咒言聽似烏梵字寫
如藤托鉢施仙飯支牀面佛燈一身猶不用何
處有三乘

出郭

稻熟村村酒魚肥處處家輕刀粘水去獨鳥會
風斜落日流紅浪長江徙白沙山僧迎客喜顛
倒着袈裟

江上

白霧迷荒楚清流帶遠空沙平晴獻雪樹老夜
屯風曠野眠飢兕孤洲落晚鴻布帆如屋裏何
處有城中

郊外小集

賴有滄洲意聊行濁酒杯白波吹日上粉堞映
江開米穀舟中市人烟水面來息機吾已久鷗
鳥莫相猜

其二

浪跡真無賴狂心今若何一尊聊對酒萬事且
狂歌穉子矜黃葉漁人語白波蘆花青裊裊秋
意滿溪蓑

三弟回志喜

袁中書先生集卷六
送汝才三月那知西復東客中何地返橐裏幾
時空世事窮來見文章病後工浮湘而涉海司
馬之遺風

其二

突兀英雄氣飄零病苦身黃金憎賦客青眼謝
時人按劍投珠恨呼牛應馬真無錢覓知已到
底白頭新

其三

萬里將孤舫長江與太湖山川幾盡越文字耻
爲吳見我故人否識君高義無士安交不薄珍
重序三都

其四

東去人人叩西來事事疑苦心真學者出世好
男兒消息蘄州得機綠老宿知何人皮相士道
爾定狂癡

花朝日呈伯修

爐氣薰高閣歌聲繞細廚桂尊清且滿坐客美
而都共唱三婦豔同開百子圖主人將夜飲傍
晚禁啼鳥

其二

宛轉花如結差池燕似知佳人炊壽餅童子按
新辭珠履散還聚蘭膏盡復吹青軒紅麗蕊第
一好天時

京師夜坐

兀坐醒醒悶讀書字字難竹枯知鳳餒餅澁駢
天寒往事心方省窮來交漸寬微官猶窘我羸
馬日長安

北行道中示弟

惜別無多日驅馳看逼年客愁繁似雨官路遠
如天凍磧酸車轂嚴霜囓馬鞭流光付行旅爾
我遞相憐

挽蘇母

喜得全歸日郎君已致身憑將萬死事泣報九
原人野氣迷丹旄秋風冷石麟但留天語在一
紙夜臺新

秋夜感懷

莫以干人和遂輕白雪歌支離常調失突兀此
生過薄俗論交盡秋風閱世多鷓鴣終萬仞嚇
我待如何

余出居六年矣丙午秋復北上臨發偶賦

又被閒驅出冥鴻那可飛添多新蒜髮典盡舊
荷衣柳密雲侵郭荷長水漫磯鷗鳧爭作語客
子幾年歸

過荆門觀蒙惠泉

雲過山城沒谿回磴道平一漚淙石底萬戶枕
泉聲童子將茶去僧雛負鉢行居人傳好語得
似長官清

時州人爲言雷守甚清

石橋道中

袁中郎先生全集 卷六
上上仄岩顛清溪落馬前
陂陀聊作館磽确以
爲田人出斜山照雞鳴
廢寺烟亭翁顏半赭知
得有豐年

襄陽道中逢龍君御君御節鎮西寧便道
省太夫人

征馬隔林鳴雙旌忽背行
白頭撩遠夢紅樹促
歸程銀管書生去鐵衣
老將迎羌胡知姓字檄
草在邊城

君御舊通守此地

壬辰秋日余與伯修兄俱得 請先後出

都門至鄭相及同宿州署今相去十五年
伯修厭世亦六年矣電火驚心山川觸目
因書數語兼示小修方平兩弟

十五度春秋漚花轉眼休含悲上東里無路避
西州孤月傷鴻陣寒雲障馬頭對牀今夜雨清
淚幾行流

鄴城道

何處魏離宮荒烟斷葦中獵蹄晴捲雪高隼怒
盤風苑古梧桐禿牆崩枸杞紅空臺與流水想
像舊簾櫳

梧桐禿出白香山

其二

白日悲難駐英雄誰不然魚膏焚地底蛾黛哭
生前南國香成霧西山石作烟人間絕快事天
子作神僊

其三

碧草漲寒塘菖蒲花不香山禽猶翠羽野果尙
丹房殘粉迎新帝妖魂逐小郎曹家兄弟好無
那太淫荒

其四

且著雙眉目休隨俗笑嚙簾前搗鼓吏牀上捉
刀人胡粉裝尤怪蔗竿舞入神精光如可畫寧
與魄俱塵

其五

袁中書先生集卷六
那得長無語無情淚亦垂碑餘漢歲月水洗鄴
城池樓外羌雛嘯宮中寡婦悲好還不再世兇
狡亦何爲

其六

近得銅臺瓦重來五十鍰無方鬢白髮空自治
青山上馬蒐才藻橫戈按髻鬢霸圖今已矣文
采照人間

其七

仆去前王碣耕來故國墳蜂巢無兩大兔窟有
三分夜火生空樹陰龍戰野雲美人何處所試
與定遺文

其八

且勿度前村白楊路漸昏一坵文字鬼千古戰
爭魂曆數孫曹閏風流魏晉繁成蹊人自省桃
李不須言

其九

袁中興先生全集卷六
謀士虎兼龍三家霸局同文章分鼎足才品第
英雄齷齪司徒後昏頑鍛錫公陳琳檄自有誰
可愈頭風

其十

校盡中原士初逢國手棋孫郎爭一道劉胄僅
雙持石悍刀方利風高海始奇唐宗與宋祖應
悔不同時

遊崇國寺得明字

有序

往與家伯修潘去華江進之黃平倩劉明
自吳本如段徽之諸公結社於崇國葡萄
方丈相去七年存亡出處遂如隔世丁未
春暮與龍君超陶孝若邱長孺李元善劉
元質重經此地泣下不能自止聊述數語
以志今昔

入寺稀人識僧雛盡老成花猶香廢苑石莫話
前生壁上苔棲墨廊間雨壞楹春衣能幾日又

復過清明

又

只作幽探計如來與證明出門皆黛色入寺有
泉聲酒似溪流嫩身如雲影輕閒官無別侶頭
白舊方情

惠安伯園亭同顧升伯李長卿湯嘉賓看

牡丹

古樹暗房櫳登樓只辨紅分畦將匝地合欲欲

焚空蝶醉輕綃日鶯捎煖絮風主人營一世身
老衆香中

又

通國皆狂死誰家解滿欄徑須一石醉消得幾
生看小榭迎初月層嵐作晚寒攜歸纔數朶掩
盡百羅紈

浴佛日劉元定邀諸公偕游高梁橋得爲
字

節是祇園會謹同曲水池妖童歌串亂天女鬟
華隨是樹皆停蓋無波不泛卮魚龍與角觝樂
事看君爲

又

萬隊千騎出燕遊第一時繁華雖有態烟水未
曾知西去層層岫東來面面池胸中好坵壑借
與主人爲

月夜歸來與長孺道舊仍用前韻

盛事那堪記衰來亦自悲看窮烟柳地老盡露
桃枝算酒休論石稅花莫計池平生心種種難
及壯時爲

都人市花者以一方爲一池

偕曾退如過淨土菴

像設都非麗疏題亦不紅花移半檻日槐老一
庭風寓目皆成淡諸方敢鬪空到門有醉客鄉
里舊山公

湯嘉賓以使事入江西將遍遊諸名勝詩

以送之

碧渚蒼雲路長帆幾葉還
起秋行九子攜譜看
廬山採藥靈溪見
映花石戶關孤藤雙竹屢聽
盡水潺湲

其二

亦解驚人語于君數倍難
片鱗猶變化尺水尙
波瀾萬卉經春爛
千山過月寒欲知才大小
試取昔賢看

其三

九派潯陽地寒潮一葉通
少年姑狡獪太古石
玲瓏觸路飛泉雨
捫碑怪穴風到時秋正老
江景繪丹楓

其四

攜去山盈袖書來墨滿巖
嵐光疲瘦僕泉水洗
塵衫識徧金仙侶
搜殘玉簡函楚雲青咫尺
漢水莫停颿

時嘉賓將入漢陽弔蕭仲子

早起入 朝書冊午間衝暑走城外別湯
嘉賓晚赴劉元定飲時諸公已半酣賦得
原字
曉出銅龍署暮歸曲水村座涼心乍貼觥亂飲
初喧妥尾筠侵閣長頭客在門公然去巾屣奴
態亦堪原

夏日城西園亭聞蟬得陰字

清響徹平林雲深樹亦深乍聞心爽豁蠲盡午

昏沉琴裏高山韻詩中瘦島吟鄉園頻夢爾十
里柳湖陰

其二

未曾離溽暑亦不到雲林坐覺暄涼變遂令院
舍深聲來如遠壑宿處必層陰燕子與黃鳥難
除闌閣音

其三

雖在高雲地長懷冷石心羽流分體魄騷客與

聲音竹柏風相亂笙歌耳可箴如何君與我俱
不守長林

苦雨吟和曾退如

陵雨無朝夕呻吟益病妻牀頭新墁落竈下老
娛啼一室均堂芥千家亂水哇侍兒持茗語滿
褶袴花泥

其二

舊勢將排砌新痕又沒花街頭眠野鶩窗上語
池蛙古佛龕生菌嬌兒面有沙東齋無額字便
可喚浮槎

其三

似道雷焚火又聞水決牆哭聲來遠巷昏火照
方牀小屋葦簾破鄰家蒼朮香兒童浪驚喜簷
底有微光

其四

莫是天家樂輕聞下土哀九州吹立水萬部役

離雷地遠聲難徹
閣高喚不回
巢居與穴處
曾見有唐來

中秋泊潞河看月同子公雲影賦

秋樹泠泠白添衣也
覺寒如何今夜月不共昔
人看客路風停閣
民居水破淺那堪更值此衰
草漫流灘

其二

萬水千山路
羈魂來不來
雙籤題姓字
兩處送

錢財風葉牽鈎慢
寒光背鏡臺
思量具杯酒有
口向誰開

其三

亦欲消孤悶
其如不去心
稚兒神慘淡
病客語
呻吟野戍風
傳柝空艚火
隔林更憐明月裏
尙有獨飛禽

其四

道侶前寬解
君深天竺書
我心自檢點
試比毘

邪廬法喜妻辭世散花天異居任他金粟老亦有淚漣如

潞河舟中和小修別詩

鶴老翻辭侶松寒乍剪蘿孤舟將幼累北海望南訛亂葦藏村社枯槎臥古河所嗟人異路不畏客程多

其二

昔日饑寒件淒涼無一存去花難返榭好月不

留軒龜手衣猶在齊眉案尚溫一門新舊鬼強半北方魂

其二

一慟出雲堂秋高雁影涼容顏漸朽謝恩愛日銷亡竹老湘君廟花深油水陽解君舊篋筭擬買白蓮莊

其四

欲覓藏身處瞿童路上尋魚寧愁水濶鳥豈畏

山深秋葉紅霜寺春苞紫筍林辟如縱鸚鵡未
有戀籠心

其五

少謝人間事歌壇與舞筵有山皆種竹無水不
栽蓮見死知生苦因鰥識道緣一杯從惠遠白
社問諸賢

其六

江柳江楓道秋來倍損神瓊花撩怨客香草夢

離人白鳥誰非故青山不厭貧陶朱吾可學鑿
水養鯉鱗

其七

客路雖云苦烟波亦自清雲開九子近月上五
湖明石壁同僧看花坊信馬行家緣無十口少
累省憂生

其八

弟也檀州去征南尙可依青油寒夜醉畫戟曉

風威塞草韞鷹疾胡天字鳥飛吾廬行信美鄉
社幾時歸

其九

小艇烟江雨長堤柿葉霜一洲魚子市千樹木
奴鄉客去尋空谷書來話酉陽繁華銷枕上家
近呂仙堂

其十

禪味爭如醉無何卽是鄉休心爲麩蘖省事作

資糧慢世稍同朔絕交亦似康東臯猶滯酒余
乃醒而狂

滄洲逢瞿太虛運使問及近事偶題

問我京華事動君一日愁添多新世態無復舊
交遊北寺涼陰盡西堂講席收烟光逐日改那
不念歸休

其二

白蛤生蕉屨知君亦悼亡憂時心耿耿學道鬢

蒼蒼老衲同三昧稚兒守一牀所慚不共隱魂
魄滯他方

德州舟中逢沈何山

鬢上微添雪衣間亦有塵俱爲行役客孰是自
由身處世真妨達歸山無那貧且收魚鳥韻檢
點作時人

其二

敢謂馮唐老爲郎十五年不因君濡滯那與我

周旋歷歷分行樹匆匆兩去船此心無近遠月
在浩池邊

偶作

爲道知難進求閒亦未成憑將無益事娛此有
涯生見水移觥去聞山背襪行感時多長語虛
竅偶然鳴

下邳舟中和子公

飛雨濺窗溼衣寒擁敝禪所憂惟臘近最苦是

袁中書先生集卷六
茶渾只有飛沙市更無啼鳥村兩漁相對語舟
繫古槐根

集平山堂用平山字爲韻偕遊者方子兩
謝生也

衰草亂畦平長江一綫明雲開智者寺山表潤
州城萬井晴霞氣千檣晚吹聲隋宮何處問荆
杞傍牆生

其二

大業空遺事披圖咫尺間斜橋興廢水淡墨有
無山野老畊香澤妖狐學黛鬟荒亭猶故井馬
上挈泉還

鄒子尹偕僧秋水見訪門者不知卻之相
見乃一笑

幾失孔文舉驚逢禰正平雲澄天自澈月上海
先明渴驥聞泉喜孤鴻見侶鳴昭文琴自好無
那有虧成

雪中投宿棲隱寺寺去大冶五十里在亂山中

下馬歷巔吼晶晶四壁寒山門雲占斷佛舍雨

澆殘茶好臨泉試寺有棲隱泉松宜帶雪看軒窗無

一可孤負此峯巒

其二

岩戶何人啓泉聲只自聞夜澆盈衲雨曉禱一

犁雲野筍呼雛伐山苗帶子分會須知此意禪

講也輪君

其三

細數高低嶺間詢遠近鄉山烟隨澗出松火隔

林香雲冷蒼苔殿雪封蘿薜牆里門通德近誰

與闢荒涼寺近余司徒家

立春日金牛道中

田夫輟耒耜紅女停機梭士人廢簡編官吏罷

征科商賈離厓肆漁家收釣羅余獨何人者峻

嶺與危坡

漢陽過王章甫葵園和二仲韻

戶外卽遙岑寒香漸出林增池緣畝澗疎竹爲
庭陰煙雪裁爲句風泉寫入琴欲知桐性老火
裏試焦音

舟中除夕憶李安人

客裏逢除夕燈前少故人乍如雲沒海忽似影
離身滿褶衣衫淚半年河渚塵井枯泉脉在棟

老燕巢新

王章甫送余石頭口因共遊赤壁章甫將

歸讀書九峯山

小舫沙棠檝磯頭試一遊偶然偕郭李不是弔
曹劉山色當陞出江波載世流沉沙無折戟應
已化漁鉤

其二

晴柳烟江路幽探喜共君暮風歌鳥翻春水玩

魚紋石老猶含態蛟閒不起雲沙頭尋鷺侶且
莫話三分

其三

一棹別烏林高雲去去深易銷惟黑髮未了是
名心洗墨桐花下讀書石壁陰明年定傳寫千
紙滿瓊琳

柳浪館襍韻

柳匝層層水花紛曲曲堤古藤隨意拙熟鳥任

情啼寄客詩題嶽招僧語隔溪菱蒲分外長漸
與竹欄齊

其二

偶然修竹裏新鳥一回聞鶴下翻盆石僧歸語
嶠雲縱風生水態任月織波文莫遣鷗鳧去頻
來只有君

其三

饒水饒烟地臨花臨柳居經營成淨社穿鑿架

僧廬小作番唐像，閒堆農圃書。主人葷血斷，鶴亦念溪魚。

其四

齋閣行將近，迂回又隔蹊。八窗中遠水，萬柳外長堤。鑿曲添魚舍，芟枝減鶴棲。無人殘暴汝，宜近亦宜低。

過藕花莊

深院竹編牆，叢梢若箇長。入門溪雨濺，滿路麥

風香好夢因涼得，閒愁到水忘。因循二十載，未到藕花莊。

夏日同顧朗哉居士王遺狂游謝公岩主人于野宗侯留飲

只有烟林在王家，一事無到門。惟蘚石對語，畫山矚路失雲相。引厓欹行可扶看人車馬去塵起，是修途。

其二

袁中書先生全集 卷六
莫損莓苔壁長留翠倚空雲能供點綴石自解
玲瓏泉落當窗逕香生渡澗風樓臺杳何許樹
影有無中

登定州開元寺塔

孤塔三千級俯身見鳥過但知天濶遠未許岫
嗟峨鈴語聞沙塞燈光射虜河昔賢誰眺此韓
宋與東坡

其二

我醉中山酒興衰澗莽間宋家遺塞壘唐典舊
河山破壁風雷出空堂燕雀還莫言無外警西
去卽層闕

黃竹石入都作別

壯闕何曾過西山亦未登袖中無半刺鬚上有
層冰夢入冲烟鶴書詢過海僧省廬真似水知
汝不求丞

殘冬選曹乏人戴星出入不覺過春感而

若問曹中事但觀鬢上絲經年未見水初度也
無詩夜月閒杯子春光惱侍兒西郊有遊騎唯
汝不相宜

初授司功副郎

舍鍛來爲吏嵇康也未慵帶猶懸素鈔銜得比
青松案牘心先碎疏題手自封何年挂神武買
斷紫芝峯

寒食高粱橋

簿領送春光鬚眉分外蒼僧猶憐我老水亦怪
人忙雨作青山色風吹翠袖香醉中如有憶艇
子上餘杭

暮春借蘇潛夫邱長孺李茂實僧寶方雪
照出郭

且復須臾坐夕陽山氣佳人歸烟雨寺春到海
棠花茜甲綠畦吐青溪帶郭斜樓臺深隱隱種

竹定誰家

暮春同王以明邱長孺蘇潛夫魏二方遊
韋氏莊得寬字

幾葉菱蒲水微風亦起瀾如何尋丈地綽有江
湖寬種果栽花易招鷗引鷺難輞川如具禮畫
裏試思看

其二

樹歷高雲老門臨細水寒亂中時有壑幽處偶
然寬蘆筍芽將茁檳榔葢漸殘遊鱗真可喜夢
不到漁竿

其三

徑路微微折亭軒倍倍寬經營百事善物力屢
朝看果稅分時斂茶坊湊水安袈裟幸自樂何
苦戀紳冠

飲渭南郭外水亭

清響落銀塘崖高瀑自長晴飛半院雨暑洗一

山涼竹石江南夢雲泉逸士腸長安十日飲金
紫照壺觴

喜小修至

疋馬西風客青衫遠道人傾觴三日語洗面一
升塵發篋探家信呼兒換葛巾顏肥兼耳濶失
意幾曾嗔

其二

家事若蠶絲細聽無了期某山今曠廢何僕最

頑癡驗貌爭肥瘦譚心校髓皮因勘對病藥笈
一是隨時

其三

俱言三歲苦握得幾番虛鍊就玉珪字磨穿鐵
板書莫非頭罪過儻亦慧乘除知汝能排遣高
譚且自如

其四

買米錢都盡裝衣絮亦無奴顏慙失路馬尾禿

長途沙異終雙鬢楚梁春已去吳彌天布鐵網不肯拔珊瑚

與小修夜話憶伯修

羈客觀人世孤雲信此生長兄官自達小第學無成買酒思燈市踏花憶貫城飛沙沒馬首怕不御街行

百六詩爲邱大賦

血蝕青銅照魂牽白玉環人間冤女塚地下望

夫山着土淚猶碧鄰湘草亦斑至今西陵月不忍向南彎

其二

一夕歸茲路三生惜此人死無長負債恨是不銷塵小玉終爲厲蘇卿必有神決貌與怒蟒無以喻吾曠

其三

惡雨催蘭桂饑臬啄鳳凰埋憂覺地小量恨與

天長萬煮難焦淚千生不化腸明當告世主幽
合詛城隍

其四

怪事咄如許稗官見亦稀若無親口語定道客
傳非始覺生爲債誰言鬼是歸長時檢遺篋不
忍觸歌衣

其五

冤訴知無已冥司可奈何只愁女鬼弱不怕俗

錢多雙陸因名廢新聲只自歌唯當仗佛力救
汝出幽羅

赴棲霞

黃葉三秋後青烟一派中天寒蟲蟄雨江濶鯉
魚風鶴瘦行藏勁鷗閒飲啄工舟迂迷去處小
立問漁翁

攝山紀遊

黃葉旋空下清泉作雨飛苔毛青佛面石色老

天衣僧靜厨蔬少山寒野雀稀自然消萬慮不
是學忘機

其二

山色重重怪高譚事事新荒松吹老鬣古石長
斑鱗入室尋僧夢翻經悟客塵禪兄兼酒弟傲
殺世間人

小集張伯實齋頭

白菊顏將赭蒼原木漸黃蟹匡行酒至梧子作

闔藏鈎月分蘭焰立霜打橋房主人紅靺鞨一
笑上排場

問方子公病

落盡梧桐葉蕭騷滿一庭當書裁枕被減食買
參苓壁暗秋蟲泣壚欹夜火青病來曾幾日疎
髮冷星星

其二

貧病知何極高天也不原愁聲徹曉夜藥氣滿

袁中書先生全集 卷六
楹軒夢惡憑奴解衣單借手溫空堂懸一榻黃
葉自封門

送李季宣北上

長短丹楓道高低白雪枝奚奴肩古帙駿尾束
紅絲聞月能通夢邊烽易人詩因思誇官日是
我見朝時

其二

策蹇迎霜去衝風送雁行夢中呼小玉甕底拜

荆卿驛路聽塘報寒冬怯水程預知廷對策多
半是談兵

日暮

蒼茫山幾處高下烏千枝野火烘雲腳霜風老
地皮安心權在酒長日困於詩除却閒居外朝
昏總不知

望鄉

無日無鄉夢空街與大堤白長香米熟青淺麥

茅齋菝月鋪雙寺漁霜冷孟溪長江無盡處漸
覺雁飛低

偶成

擲卻顛毛去百無一事齊客中稀信至夢裏別
家啼野店胡桃小山房枸杞低慙懃托鷓鴣借
取半枝棲

送蘊璞之通州

敝衲纔三尺羞囊無數錢譚詩宗島瘦運筆想

懷顛白果行厨飯枯株半夜禪天涯青點點一
派海門船

憶潘景升

赤仄何年至青娥幾日休當衣歸楚子兌酒賣
吳鉤凍雨江豚泣郵風海若秋相思無寄處獨
上縣西樓

楚子指邱大

寄伯修

次第逢京使皆言鬢有華廊餐傳白餅宮雪打

烏紗夜起先雞唱朝歸必日斜倦來呼侍史石
水試煎茶

卽事

越錦刺吳女桐絃命小妻鑪鳴茶已罷香散日
初低近火觀猫戲閒窗聽鳥啼鄉書修總懶笑
作兩行題

揚州曉泊

薄霧隨風盡寒霜對酒銷芋魁騰曉市蟹子趨

歸潮往事瓊花觀新溝楊子橋雖然富羅綺未
必似前朝

卽事

野樹凋青葉寒江掃白波訛音東事變重語北
船過衢橋連霜買盧姬盡日歌揚州饒嫁娶簫
鼓夜來多

賦得迷樓

古寺行宮是荒臺跡近真楓枯能作語釵老化

袁中書先生全集 卷六
爲人夜蠟燒天淚秋蛾幻月新當年倘不樂難
道不成塵

小集吳嗣仙齋頭

寒月衝簾薄空階似水涼橘皮消酒氣栗尾亂
書牀校搨人高下踏歌調短長自知非飲客亦
不害歡場

集喬光祿齋頭

燭氣烘人煖簾絲透月來近花安飲几分篠出

重臺細曲龍香撥清醑鵠卵杯徹明尚不去安
肯見燈迴

飯王太古館中

萬事無如靜浮雲他自飛身心全白業行止半
緇衣山藥和霜薦園禽帶雪饑忘名兼去欲學
道古人稀

偶成

貧色杯中減衰音鏡裏知青山千里屐白髮滿

頭詩夜雪烹朝水鮮花勒凍枝回身笑罔兩爾
我共支離

感懷作

閒適魚歸水孤羈鳥怯飛寒江粘戍艘賈俗厭
儒衣失路干人左貪生學道非無才甘自棄不
是怨知希

雪中

蓋滕衣三補充脾飯一匙長貧商賈貴久客保

傭知開帖臨黃字關門變黑髮飛蓬逐流水何
日是休時

閒行

入肆添紅暈出門換白衣雉鷲過水去雀冷近
倉飛古木半身死鄰僧一箇歸客中無舊識遠
望却依稀

雪中看月

強起持杯酒長歌命小鬟一重兩重白千里萬

里山凍鶴僵孤影窮霜益老顏客思只如此漸
覺別離頑

無題

富貴豈非情榮枯未必平破籠麾鳥去斲竹放
雲行窮骨耽書傲寒毛看劍生東方唇自腐執
戟竟何成

讀書

拭却韋編塵衣冠對古人著來皆肺腑道破益

精神把斧樵珠玉恢綱網鳳麟擬將半尺帚
匝地掃荆榛

閒居

只對陳編坐閒將稚子行筆罷書將老瓶響茶
勛成餓鶴窺冰澗窮鴉話夕城江烟回照裏轉
溼轉鮮明

乍晴卽事

寒日回霜薄天風扇雪晴山紋斜界路樹影拗

枝橫海客鬚眉凍門賓姓字生下牀忘櫛洗拋
卷上西楹

偶成

寒日拋殘曆冬風迫小年霸圖虛孟尺貧策付
邱鞭釋悶多詆史羸歡少破錢不簪復不履隨
意但高眠

劉侯宴

滿斗撒珠璣窗風射蠟暉樂從三奏罷酒看十

分飛叅佐分山果優人撤地衣為貪文字飲少
減邑侯威

陶石簣書至

不復言餘事唯云了即休山川銷斷案花鳥罷
春秋定後窗行鼠餐時壁下猴自無求相意焉
用鈞文鈞

何茂倩索遊吳詩

莫漫談吳事吳中佳事多天高震澤網髮細虎

坵歌只是官無那由來客喜過莫釐與縹緲雙
峰孰嗟哦

子公貧病口占乞笑

病閱冬秋盡方窮內外科夢來牽母泣愁覺此
身多腮涸魚求水翎單雀窘羅傷心談往事悔
作戀燈蛾

揚州舟中晨起

薄月層冰上飛飛叫去鴻夢寒孤渚雪茶響一

鑪風凍網懸枯木荒崖依病楓繁華無用處陡
覺戀虛空

送洪子崖之歸化縣

小邑無官長登臨費履綦方言從事譯山景隸
人知廨舍巢鸚鵡鄉田貢荔枝嵐光侵簿牘長
日但圍碁

丁酉除夕

得意人間事經年作旅人愁因山水減蕩免父

兄嗔蠟屐千鄉雪公衣幾摺塵瓜洲波起處長
日望垂綸

登蘇門山泛舟百泉

食罷共成飯來觀沁水泉廢橋穿竹嶼小舫載
茶烟方外清溪寺人間好時田那能營二頃風
雨嘯臺眠

其二

一葉寒塘上孤雲信所如東亭觀美箭西泚訪

幽居靜玩涵波羽幽憐避餌魚未容狂阮籍沉
酒污清虛

和朱非二山間之作

人谷非無路鑿空尙有痕勢危攀棘杪力盡憩
松根天上雲烟市仙家水石村悠然見邃古夢
裏亦羲軒

其二

愁絕蒼龍嶺苔青萬古銅瞳深憑綆汲棧絕賴

支口曾先生全集 卷六
枝通洞隔寒溪雪僧歸石壘風半卷輕四岳一
笑傲三公

其三

只覺川原變寧知七曜同按圖窮大地卓笏量
虛空霞過遺仙影雲歸識海風人間三不朽塵
裏一微蟲

其四

極態窮工出摩天插地孤平開東震且坐想北

俱虛白石鏑何在青溪鶴也無浩歌中夜月萬
里湛冰壺

其五

雲懶飛難上龍癡臥不醒巴江寒蕩日鄭火夜
飛星爐淪千年液松留太古青綠霞封石鎖應
是護仙經

偕朱非二入少林至初祖洞

宿世同來否青山記夢登雲分新墜石樹老舊

扶藤古蘚番文印胡鬚壁影僧摩公真狡獪隻
履去何曾

話無言上人方丈

杖子撥秋烟堂頭二十年還君半面識乞我一
蠡禪石壁分窗看松風對榻眠浮生成泛泛俱
有雪毛縣

山中逢老衲少時從征有功者

頭髮遮眉白歸來五乳峯夢中聞虜笑定起看

經慵戒鐵支爲枕衲衣挂在松閒時穿洞壁欲
去縛獰龍

次良鄉

勞碌豈堪憐心情亦自偏閒中長似鬱途裏却
翛然草屨多生業名山老去緣雲嵐成妄想渴
夢走鳴泉

次定州和壁間韻

歲歲疲車馬勞勞憩此州精神漸耗減名字益

虛浮斜月微茫岫平河散漫流西溪蓮在否持
語去年鷗昨年六月飲于西溪

定州見拙詩楊戲題

塔上烟煤句何人勒此中鳴虛聊以蚓篆壁偶
如蟲蝕去宜苔蘚銷來仗雨風而今真人石泥
土被丹紅

宿趙州

是日立秋

入市不聞囂殘陽半麗譙人家多畫水賈肆尙

依橋禪夢來清磬秋心動夜條柏林如見語還
汝舊詩瓢

曉出柏鄉

未曉已先興軒車帶睡登官程膠齒飯鄉思折
腰菱野店欹鬟女孤菴淪鼎僧不醒亦不醒沙
裏鼓鑿鑿

書所見

落日澹秋容游雲忽自重斜披四五樹亂點兩

袁中書先生集卷六
三峯馬顧橫橋水僧歸別路松岩深不見寺烟
裏忽聞鐘

嶠陵壁間見黃平倩詩悵然有懷和韻

角聲催曉闕雲冷夢初還秋是王維句月如李
白顏涸泉長念雨籠烏豈忘山擬把一竿去相
從水石間

潼關題壁

是日至子夜果雨涼風襲肌甚快但雨不

暢夢中間書記與快雪語主公所乞者洗
頭盆水耳何其慳也不覺大笑口占四十
字爲謝

一枕簟花涼魂清夢亦長雌雷方喚醒女魃乍
迷藏雲識鬢鬢氣風知茵茗香那能倦膏沐千
里酒蘭湯

偕朱非二汪以虛段徽之雨中投興教寺

望南山

袁中書先生全集 卷六
樹古積苔痕山高晝易昏袖中雲氣出階下水
聲喧斷鼎殘碑寺青螺紫澗村倚闌叩京尹還
我玉峯軒

其二

迹往休尋記臺傾莫問年風香來韋曲雪色照
樊川野寺遮紅葉人家住翠蓮隔溪山更好驅
馬入蒼烟

其三

檻外卽危嶺烟中跨楚秦石留前劫字洞老別
朝人夏月蓮花雪冬風暖谷春雲深無隙地千
里瘦龍鱗

過華清宮浴湯泉

鏡澈古苔光溪風湛碧香花猶知世代水不解
興亡粉黛山川俗煙泉歲月長而今正好景石
骨照蒼涼

其二

十六長湯院阿誰似玉環
故宮秋草裏小邑水聲間
童子驅羊去村姑賽廟還
教他楊廣笑破國只驪山

今官池乃玉環池

其三

過烏烟中迹回風水上痕
欲知天寶事喚起石苔言
蘭乳飛千殿宮雲遶數村
太真方病齒歌拍且停翻

其四

羯鼓弄伊涼露花石火光
山餘繡領字雲染碧螺香
芍藥留妃子鸚哥說上皇
難將脂粉水傲我白雲鄉

其五

鳳靡鸞叱易王圖霸業輕
仙靈祠後見笙祝夜深鳴
野火燒連理泉上有連理
槐燬於火秋風薦側生遙
知石鏡月恨不照傾城

其六

東嶺復西嶺秦鄉與漢鄉市城雲淡淡今古水
湯湯廢址耕斜坂歸樵話夕陽亂亡猶有等最
劣是幽王

再泛百泉

欲去復停棧瓶甌尚在船異沙千種色密雨一
湖泉有鶴山中夢無人池上絃醉歸旋就枕帶
却澗聲眠

浪歌

附

朝入朱門大道暮遊綠水橋邊歌樓少醉十日
舞女一破千錢鸚鵡睡殘欲語花驄蹄健無鞭
願爲巫峯一夜不願緱嶺千年

澠池和黃平倩壁間詩

落日疎林澗水秋風匹馬威秦南北陵收過雨
東西峭起飛塵龍鎖幽崖翠乳雷燒古樹蒼藤
穴處巢居誰氏斷轅折軫何人

其二

四顧陂陀無地一螺鄉井有君百二嶠函天險
五千道德靈文驛路屏蔽障掩谿田錯繡羅紋
思觸枕邊流水夢牽嶠外孤雲

梨雲館類定袁中郎全集卷之六終

